

海
秋
詩
集

海秋詩集卷之七

益陽湯鵬海秋撰

五言古詩

秋懷九十一首

兀坐夫何爲。起行步庭隈。白露霑我裳。明月照我杯。杜
康去不返。麴蘖理已非。佐歡歡苦少。送愁愁不開。感激
墮新淚。磨滅餘舊懷。咄咄汝秋風。爲我從西來。

離離堦下蘭。颯颯堂前柳。枯枝霜易欺。敗葉雲難守。天
時屢遷移。我志良永久。俛仰身世間。萬事無不有。羈旅

積窮愁。聰明混瑕垢。一剛而一柔。此理誰當剖。

秋聲何烈烈。秋色何漫漫。蟲嘶機杼雜。螢颺梧楸寒。昔時桃李華。今日蓬飛翻。搖落雖自然。可愧復可歎。所以賢達士。汲汲崇本根。南山有松柏。千載相盤桓。

枯蟬聲易哀。吟客心易愴。秋物已蕭森。我悲方迭疊。弔古增百憂。覽今森萬狀。緒兼屈宋繁。筆挾曹劉壯。危言悚鬼神。高歌嫵蓬閭。雖畏青蠅飛。還工白雪唱。物博貴能搜。理沉一以放。但恐泯默死。古調誰其創。

淮淮霜滿庭。翳翳月沈閣。古歡亮難伸。孤念竟何著。歲

華難挽留人事易迂錯番怪壯年非不及少年樂

少年誦詩書一日一萬言騁此青鑱筆寫爲白雲篇班
揚爲我後孔孟爲我前志大亮不塞興深夫已堅雷霆
鞭苦心風霜鍊孤妍離離齒髮變鬱鬱寒暑遷故吾有
智慧今吾有悔愆及茲不努力老醜無人憐

讀書患不博用世患不詳冥心觀古往匪徒以文章周
公說禮樂作相何堂堂仲尼用於魯齊返其侵疆韓愈
稍見道論佛排天閭蘇軾雖嘲謔新法懸否臧忠義耿
至性丰稜懾奸腸攬衣吾如何秋夜起徬徨

天用莫如龍地用莫如馬三古多聖賢萬物歸陶冶哀
哉豎儒子炯炯抱騷雅了無補與救時論濫推假登高
望八荒飛鳥何爲者路長羽翼短日暮涕橫下

卑卑野田雀不知雲路翔男兒厭趨趕事業安可量夔
龍亦吾徒管樂固士常慷慨登前途論高心愈傷甯爲
人所嫉毋爲人所忘滄溟駕飛舟何時就徜徉

白日不受霧奇士不受塵以此人中鶴來盡閣上麟衛
霍俱倒屣蕭朱亦結鄰名高固其分利啖安足云梧桐
生百尺其下風紛紛衆女嫉蛾眉謠詠傷其真坐收鴻

鵲志反謝鵲鵲羣哀哉吾道難朽鑒非所論

鮮鮮籬下菊濯濯晚中蘭蘭菊豈不好持贈反成患託身一失所爲驚甯爲鸞已矣夫何言千載含悲酸

妾本名家女生小人不識的的珊瑚姿嫋嫋芙蓉色十歲工語言十三能組織十六爲君妻巾櫛有典則妾如河漢水清波長古今君如馬牛風來去不關心但悅妾顏好不察妾情深徘徊難久恃愀愴安可任

閉門量車轍不知道里長憶妾未嫁時聞君有令望貞如松與柏潔若圭與璋執巾入君家擾擾何擾擾不見

賢豪流但逐輕薄郎挾彈必雙飛賭酒無後償黃金委
泥沙一擲百萬強花浮開落頻物狎是非妨及今不慎
旃妾心愁未央

霜急衣裳破讒深情好衰君心與妾心流水爲徘徊清
流人所喜濁流人所哀鶯鶯一問亂燕婉成嫌猜不怨
人間世但憾妾命乖去去死道旁棄婦如塵埃

且旦治酒食暮暮裁繻綺有才不爲憐長戚一何鄙且
隨分所置牽蘿茅屋裡妾非古井波能伏亦能起不見
桃李華秋衰春更美往者吾無云來者吾曷已豁然悔

悟開可以相終始。

誰謂藍田玉不及新與樵。誰謂名家女不及妖與燒。妖
燒如桃花攜手心蕩搖。紫鸞爲吹噓。青蠅爲矜驕。直絃
與曲鉤。君子長混淆。新人日已媚。故人日已焦。新人會
有故。秋風變蘭若。物理可窮推。我生甯獨勞。

憶昔蓬篚姿。不識女與牛。父母良我愛。兄弟無我誆。輕
言侍君子。惻愴番成羞。豈惟一朝痛。端與百年休。回思
未嫁身。行止得自由。拭淚不能言。但隨溝水流。
高堂鬼所瞰。美服人所猜。雖有黽勉心。徒爲愁苦媒。春

風豈不吹秋風忽又來嗟嗟鬢與髮未老而先摧

秋晨霜淒淒秋夜月皎皎不怨秋霜非但愛秋月好桂
樹何團團嫦娥實窈窕惜哉不能扳紆軫向誰道

鄧林非一木大儒忘一身撥棄眼前論匡救世上人愚
公豈好事精衛亦何神移山與填海此志垂千春艱難
貴勇往顛漏期彌綸三復賈生策庶用豁吾真

山深有豺虎川廣有蛟鼉毒物不剪除元氣難調和手
持丈八矛霜鋒露嵯峨豺虎坼其窟蛟鼉息其波惜哉
不得往涕竭心則那咄咄有能事鬱鬱成沈疴

寸心如江河屈注未云了默坐觀世紛沈憂迫人老風
后與力牧古意歛如埽管葛亦飄零屈賈太顛倒天地
有滄桑知幾以爲寶不見秋風吹羣物已枯槁萬變亦
尋常消弭苦不早撼撼無時終耿耿向誰道

孟軻有正氣浩然塞地天汲黯亦骨鯁漢廷稱其賢倪
仰懷前型優游自磨研咳唾皆古香肝腸亮誰宣出門
復入門尤悔來無端辯口久已封誰知我憂煎

精心驚八極蒿目觀四方豈無變化志羽翼不得將誓
當與君子結爲雙鳳凰飛飛到天門以首祈玉皇鴈

爲我使鴻鵠爲我行持此金石懷生彼族類光梧桐有
羣棲竹實無獨嘗道衰苦不振志大夫何償我欲竟此
曲此曲悲且長

朝謁許史廬暮宿金張府白雲圖綺疏明珠壓飛柱羅
幌不勝風珠簾無過雨堂上羅瓊筵堂下擊鞀鼓大姝
工秦聲小姝習吳舞雜還爲歡娛不知有雨汝烏虜路
旁兒飢凍奈何許歲暮無衣裳田荒少禾黍野哭黃雲
低天陰白骨腐寥寥君子心愷悌亦無補

戔戔蟬鬢客吐酸如奔虹騎用珊瑚鞭飲用琉璃鍾飾

用貂襜褕。圍用翠芙蓉。借問何所挾。兄弟兩三公。伯氏九牧長。仲氏萬戶封。小弟亦翩翩。出入瀛與蓬。黃金蔡。朋友白劍欺。兒童旌旄雜。風雨觀者迷。西東但悅春。陽好不識秋。霜蒙騰騰會。有歇擾擾終。成空太息青蒿姿。何由倚長松。

伊昔黃頭郎。銅山自鑄錢。延年善爲歌。印綬亦翩翩。技小良可羞。寵高夫豈堅。奈何驚驚翔。咸爲蛺蝶先。爲蝶猶尙可。爲蠶將慎旃。幾微不識察。坐致邱山愆。

名鳥思茂林。巨魚思大壑。如何當路子。與我共然諾。蘭

燈照華堂桂酒盈。清爵綺紈爲我施。管絃爲我作人事。
有。網。繆。道。心。多。束。縛。諱。然。逐。時。趨。誰。復。聞。蹇。諤。

蘭艾本異科。涇渭不同源。人生各有向。譬彼方與圓。儀
秦何狡詐。牢石相聯翩。未及爲君戒。聊以懲吾便。英英
黃。金。花。擢。擢。紫。莖。莖。性。避。春。風。狂。色。與。秋。露。團。蕭。颺。有
真意。惟應知者言。

長安大道旁。走馬誰家子。腳踏大宛駒。身披蜀都綺。臂
鴈笑長楸。闔雞橫咸里。調笑邯鄲媚。容華若桃李。生年
不知書。行樂有如此。迂哉揚子雲。草元今已矣。千秋萬

歲後誰能究其理

疾。藜。豈。獨。惡。藤。蕪。豈。獨。芳。邪。正。一。搏。擊。天。性。爲。飄。淪。文。
才。亮。難。操。風。雷。吁。有。神。勉。哉。崇。令。德。理。足。情。已。存。

危冠挾飛霜。高名撓重謗。南箕與北斗。奮張安可諒。談。
虎。固。荒。唐。刻。龜。太。孟。浪。人。事。如。浮。雲。頃。刻。難。一。狀。塗。舛。
辨。何。施。心。苦。涕。應。放。哀。哀。箠。篲。引。千。載。一。悲。唱。

松柏生崇岡。芝蘭相與秀。文章信有神。往還何必又。惻。
惻。泉。鸞。分。顛。倒。理。難。究。推。其。生。之。初。大。造。罔。不。佑。流。水。
有。東。西。人。事。有。去。就。用。小。以。累。大。千。載。爲。刺。謬。

我有廣陵琴。飄盪天雲開。一歌鷓鴣歇。再歌鳳凰來。古
調非今情。惜哉難與諧。離離郢中曲。荒荒稷下才。小人
互嘈啐。君子長褰衷。品題久已混。欲辯甯非駭。

熒熒螢似燭。喔喔雞非鐘。萬物露聲光。所貴識其宗。念
我平生友。探懷無異同。贈我雄雌劍。蒼然百鍊鋒。但常
斬蛟犀。何用驅蛟蟲。神物不苟見。哀哉藏匣中。

夾象斯辟邪。然犀乃見怪。豈不類猛鷲。適用固已泰。古
人善驅策。今人自顛沛。哀哉匪犀象。徒然逞狡獪。芸生
亮何辜。毒物無乃太。願請飲飛劍。足以彰摧敗。汲汲書

生愚不識事與會。

得得梁間燕。交交谷口鶯。集成長衆雛。毛羽一何橫。忽
問風雨至。有巢不得甯。昔作盤天飛。今爲墮地鳴。東海
有時枯。泰山有時傾。取足非自我。悲懼隨所令。

溪東種荷花。溪西種荷花。溪東游碧魚。溪西蹲怒虵。魚
吹荷浪直。蛙吹荷浪斜。萬物有本性。轉移非自他。行當
謝同次。言當息淫哇。硜硜金石堅。此理誰疵瑕。

朝聞欽鴟鳴。暮見訓狐飛。但恃嘴距利。不識軀體微。主
人操弓矢。欲發不忍開。念其亦物類。聊與爲徘徊。嗟汝

不訾省吞啄無是非渴飲紫駝羹饑食鳳凰胎念生不
念死徒爲人所悲大哉乾坤德何能貸汝爲

天地自崇卑性命無醜好君子惟炯介小人或顛倒微
言亮難宣愁心那能拘雷霆發羣蒙庶偕於大道

娟娟芙蓉珮楚楚薜荔裳念此非偶然千載一芬芳有
才苦啖名離聖而入狂乃知內美儲貴用外節詳書紳
使人敬括囊使人忘由來薺芥情豈得爲事常

松柏生深山蔦蘿繚繞之君子重交游亮無獨立時黃
金不厭傾樽酒不厭持誰知廉將軍失勢乃涕淚雲雨

多翻覆輪蹄半險巇。混混忘愚智。默默藏懽悲。已矣金
石心。百年不可期。

昔日豪華子。信陵與孟嘗。食客各數千。談舌何披猖。道
衰重智術。勢炙輕典常。嗟嗟元漠心。閉門秋葉黃。

東閣肆招延。北海重宏獎。此風久已頽。吾生安所放。填
胸有珠璣。植骨如篠簜。念此非獨行。韜晦苦不廣。挺挺
說古今。荒荒媿俯仰。子期逝已久。顧曲多懔懔。譬彼徑
寸光。不及三萬丈。將恐繼以悲。秋淚墜蒼莽。

芷蘭出沅澧。來充君子香。但願顧盼勤。不憚道路長。吁。

嗟此香草。諦視增感傷。左徒爲騷怨。賈生爲涕滂。道衰絳灌驕。命蹇子蘭狂。雖有忼慨歌。肝脾徒自傷。

衆松生泰山。短長乃自然。短松枝偃蹇。長松勢騰騰。騰騰夫如何。高高到青天。下與塵壒別。上承雨露偏。嗚呼。跃弛士。惻愴今有年。朝謝春陽熙。夕批秋霜眠。呵噉神鬼橫。飄飄毛髮顛。化爲朽腐骨。誰當職其愆。

麒麟百獸主。鳳凰百鳥宗。鳥獸皆有欲。麟鳳胡不同。晨餐飽瓊瑤。暮景棲梧桐。下視飛走儔。致詞何從容。從容誼有適。拘牽道已窮。未見伏者雌。或爲飛者雄。人生無

百歲知已不再逢。昵昵但如此悠悠何所終。

獨坐北窗前。浩歌淚盈把。捫衣向誰道。舉杯空自寫。一酌方崢嶸。再酌忽婀娜。我志本迷漫。非獨知者寡。

步出北邙坂。惆悵念所思。所思夫如何。千秋之鼎鑊。念我草茅來。與子朝暮隨。吹噓上九天。舉襲以爲期。命蹇失老成。名大得支離。逝者不復還。俛仰增歔歔。

生別尙可逢。死別長相憶。海闊秋茫茫。音容杳何極。昨夜夢無端。飛飛挾兩翼。重理生前詞。不愧古來則。哀哉君子心。埋滅無由得。日暮斗巫咸。冥冥楓樹黑。

南方有佳人。北方有佳人。寄我殷勤詞。逾此平生親。天
天桃李顏。粲粲珊瑚脣。願爲雙鴛鴦。比翼翔江津。欲飛
不得去。慙慙傷我神。我神日已傷。歲月日已奔。冉冉老
將至。勃勃愁難馴。歟。恐如花貌。蕩滅爲埃塵。天涯隔雲
雨。夢想安能真。

林鳥思故儕。池魚思故羣。念我親與友。飄盪天南雲。死
者長寂寞。生者亦苦辛。悠悠隔形影。默默傷精魂。少壯
輕遠游。結交要路津。恃此草莽姿。廁彼廊廟珍。蹉跎故
不振。愧憾夫何云。富貴多反覆。貧賤還真淳。硜硜鄉曲

王斗酒可爲鄰。

天遠得聞光人靜。生還想方思。炳旂常忽愛樓林莽。結廬白水邊。採藥青峰上。松楸借餘陰。雲霞騁孤往。物駭畏參差。道高趨曠蕩。報恩吾未能。聊欲脫塵網。

商山老黃綺。釣澤披羊裘。斯人雖隱遯。高名鑱千秋。嫁嫁軒冕客。徒爲妻子謀。模稜得時譽。淪沒歸山邱。喧靜一殊科。賢愚難比侔。營營悼前勇。抑抑成今羞。沈迷不知返。寤非醉飽儔。

漢濱有老父。河上有丈人。外疎耽野興。內醒閱世紛。豈

不念飢溺道屈難爲伸。流涕了無益。忘情聊自欣。去矣。閉耳目。飄然事耕耘。南溪水可濯。北郭禾可分。父老久爲言。要我以白雲。無使武陵桃。來笑九衢塵。

昔讀陶潛詩。迷不知趣遠。及茲悔已叢。用勗歸毋晚。晨酌清流泉。夕卧白雲巖。鮮鮮芙蓉裳。澹澹魚蝦飯。騏驥步修塗。馳驅成老蹇。見事苦不先。伊誰亮忠懇。興言白鵲鳥。幽意冷然。善不怯江海。深遯怪池沼。淺。

黃鵠一千里。高高不可攀。我家洞庭水。白雲相往還。鷗鷺爲我鄰。魴鱸爲我餐。齋疊足天性。休休寡事患。

勞身爲圭組。適道獨柴荆。藹藹墟里烟。忻忻雞犬情。田
父四五人。未知姓與名。相見但飲酒。我醉彼尙醒。或問
田間事。晴雨飽所更。桑麻屢稔茂。兒童易長成。村遠語
言樸。風微溪澗清。卽事如已足。無爲歧路行。

方舟厭迂迴。名馬厭羈束。一落樊籠裏。吾道長碌碌。興
言返田廬。江遠天逾綠。詩舫悅性情。釣竿遠塵俗。巢許
匪吾棄。伊臯匪吾欲。洋洋武陵源。可以濯我足。

浮雲無根株。憂愁不可銷。赫赫侯王門。今成蓬與蒿。菹
醢悲韓彭。累囚怨樊蕭。一身不自保。好爵徒爲要。迢迢

鳴夷子泛泛五湖舫蓑笠一以脫瓢樽信所操桃李有
重妍江海有回潮吾駕儻可歸青山永逍遙

吾聞老萊子躬耕蒙山陽鞭箠不到此蓬蒿終徜徉又
聞漆園吏持竿濮水旁與神龜存無作犧牛亾今我
意不樂飄然念瀟湘瀟湘多香草吐氣盈我腸其上有
名田鬱鬱稻與桑種桑雲已綠種稻雲已黃作息聊自
程飢飽匪所量賴有婆娑婦時能進酒漿人生但如此
取樂應未央

鷓鴣巢一枝偃鼠飲一勺計大非所論分償庶已樂酌

眇郭外田。窈窕山中閣。衣食亮有儲。絃歌聊自若。無爲鐘鼎愚。反以簪纓縛。或牽東門犬。竟唳華亭鶴。升沈總何憑。生死倏如昨。拂衣謝時人去。去甘藜藿。

蒼蒼荷篠丈。潔潔披裘生。高風不可挹。千載爲澄清。漆園却楚聘。黔婁嗤齊卿。雖然葆貞潔。已近世上情。風會有淳漓。道路何縱橫。朝爲泰山重。暮爲鴻毛輕。覽物因惕躬。高義斯崢嶸。棲遲衡門下。旦夕罕所驚。

白雲無定在。窈窕東西間。奈何拘朝市。不與松桂緣。久留髮將皤。苟得心已酸。甯爲野中鹿。莫作天上鸞。鸞飛

不得意。衰。衷。于。壽。天。鹿。行。隨。所。之。不。識。雨。與。烟。青。青。故。山。樹。可。以。息。吾。肩。

荒。荒。年。齒。增。冉。冉。日。月。邁。何。不。學。松。喬。高。舉。凌。天。外。東。觀。扶。桑。瞰。西。赴。弱。水。會。虹。蜺。以。爲。輶。星。辰。以。爲。蓋。手。把。八。空。氣。騰。騰。何。靄。靄。日。與。衆。真。游。是。非。豈。能。穢。

陰。晴。無。定。候。悲。喜。惟。一。心。昨。日。夸。毗。子。今。歸。泉。下。深。人。命。若。朝。霜。奄。忽。螻。蟻。侵。萬。慮。濁。我。智。焉。得。不。銷。沈。西。山。一。何。高。仙。童。雨。雨。尋。與。我。一。丸。藥。授。我。不。死。箴。蹈。火。可。不。化。入。波。可。不。淫。太。息。世。上。人。焉。知。我。所。欽。

赤松至崑崙安期上蓬萊二子良自然隨風爲去來秦
皇與漢武搜索何愚哉紫芝自有華神仙自有懷繕性
契中和壽與天地偕何必談虛無然後離塵埃蓬萊在
顧盼崑崙豈安排長當持此意豁然愁苦開

鳩鵲不惜春蜩蟬不畏秋生前有營營死後何悠悠未
若騎白龍飄然天上游玉皇顧我笑羣仙爲我儔飢食
琳琅腴渴飲河漢流悅懌亮不淺逍遙竟何求紫府爲
我家迢迢不回頭

薜華不終朝蘭膏不終夕長笑六合人擾擾蜉蝣翼盛

往春波俱衰來秋露逼智慧長更消牢愁散復積吾聞
王子喬千載猶美色拂衣尋嵩山丹砂儻可得

秋風卷落葉不能到青天今我弗睢盱壹意於神仙娟
娟西王母招我白雲邊庶憑青鳥使永就丹砂緣王母
忽不悅青鳥不周旋大笑塵中人難著天上鞭竦身已
電滅無由得扳援撫心長太息淚下如奔川

直木不知曲傲骨不知柔與其塵埃死甯作神仙游吾
聞彭祖言神仙亦懊惱天上多尊官旌旆森前導驅策
難可窮侶強欲何道賴有五雲漿童顏不能老終思天

上勞尙比人間好。

今我忽不樂步出城東門東門塚累累狐兔飛以奔白
楊垂枯枝蕭蕭愁殺人借問九泉骨曾是七尺身生爲
良棟材死爲蔓草塵富貴有憂患神仙無飄淪畦畦紫
金丹延年吾所忻。

飄飄八景輿歷歷白玉京宿昔夢到之今思轉分明胡
爲縛塵土耐此簪與纓本無姸媿術番成偏側行毀譽
耳已繁哀樂心又并徘徊人間世混混將何名。

壺公來朝市薊子謁公卿豈不守道要聊以覘人情風

會有初晚兒童盡縱橫顧此非所欲超然游太清長翔服山薑長生服山精朝騎赤龍飛暮騎白鶴行借問桃李衰甯知松柏青

蹙蹙發新悲拳拳撫故我靡靡塵網深曖曖天機墮清晨梳短髮薄暮悄孤坐童子未工愁攜酒相婀娜有酒吾不斟有願吾不果飢掘延年芝倦整逃名舸仙隱古所欽去住今將那逶迤不知愚黽勉無一可

巖鄭吁已遠松喬杳莫攀聊與世間人環珮相往還逢迎費言語曲折低容顏長恐平津豪或來廷尉歎朝爲

琴瑟諧暮爲風雨寒淒淒素絲哭鬱鬱歧路難安能去
好惡我心如石頑

我聞揚子雲吞聲自解嘲馮唐亦蹭蹬白首不見招信
知道德尊匪與富貴要內美吁可欽外營澹已消象齒
遭翦伐蘭膏自煎熬哀哀哭黃犬李斯安得驕

翡翠難藏羽猛虎不衛皮光燄了無憑心腸多所悲願
言紛紜際挺此歲寒姿松柏存孤高霜雪謝侵欺猶恐
露崖嶽反爲信者疑烈烈老氏箴抑抑武公詩庶用消
永憂彈琴以酣嬉

齏齏顏氏子。陋巷談唐虞。以彼簞瓢意。允爲君子儒。貪
競苦不足。淡泊欣有餘。曷爲侈珠玉。衛此七尺軀。不聞
銅雀臺。今棲雉。與狐美人爲黃土。琪樹成朽株。覽物良
可歎。佩道焉能汙。義不受豆羹。聊以貞吾愚。

公莫登太行。上有烈烈風。公莫渡黃河。下有蛟與龍。多
才爲患害。巧智生奇窮。斧斤何丁丁。剝琢百丈松。摧爲
叢中棘。飄爲澗底蓬。衰盛理何常。是非心已慵。君子抱
琴瑟。媚媚秋淚紅。明月在雲端。可以來相從。

淒淒素秋節。灼灼黃金花。嗟此盆中枝。遜彼園中葩。盆

中費布置園中寄幽遐氣豁疏轉密脈閣整易斜賤兮
富本根貴兮鬪繁華沈思令人解泯然無歎嗟
弱質逢艱虞勞心萃憂患拙哉蝨蝨蟲苦矣騏驥絆蹢
躔知前愆逡巡貴內斷伊古有儀型足以藥愁嘆孔顏
樂何事風月飽研玩未用賦五噫徒令聞者訕
愚生禹臯後慨想唐虞年敢謂事已遠庶以弛吾肩直
道忌模稜古意厭雕鐫自顧頗愚騃于何覲飛騫但願
四海內無事可憂煎兵革靖邊隅桑麻滿農田天地就
清甯良已愜吾便何必取將相恐爲達者憐

疏。情。謝。時。名。悲。駭。畏。世。網。高。飛。固。逍。遙。卑。走。亦。倜。儻。不。
知。夔。龍。尊。無。論。季。孟。枉。畫。虎。悔。前。非。食。鯖。澹。今。想。時。還。
作。詩。騷。用。以。洗。塵。鞅。短。歌。慰。清。寥。長。歌。破。蒼。莽。未。見。千。
歲。後。虛。名。尙。標。榜。吾。生。不。可。愚。聊。以。寄。心。賞。

朝。誦。巷。伯。詩。夜。思。梁。甫。吟。在。我。亦。何。校。感。物。良。已。深。白。
日。成。陰。霾。康。莊。變。嶇。岑。親。暱。一。以。乖。讎。謗。來。相。尋。借。問。
所。讎。謗。良。足。爲。砭。鍼。騅。駟。莫。爭。塗。鸞。鳳。豈。擇。林。吾。甯。守。
其。雌。庶。以。道。自。欽。

慨。慨。泣。歧。路。悠。悠。經。素。秋。時。邇。有。代。謝。君。子。多。殷。憂。疑。

霜被衰野涼飈急寒流撫菌痛凋落攀蘭思阻修方盛
固有衰旣去誰能留今我不懽娛零落歸山邱厭厭飲
醇酒醉外無所求

楊柳勿嬌春梧桐勿悲秋嬌春春有限悲秋秋不休
撼木葉零嘒嘒蟬聲流時方讀我書觀理窮墳邱借問
太上人何知今日憂浩歌忽有得沈疴良已瘳歷歷去
來事豈足爲我愁

登高見萬里秋盡天茫茫願與秋潦涸不隨秋蓬揚秋
蓬斷本根上下無恒旁離離度霧沒宕宕從風狂天命

難可料人理固有常。飄轉竟如此。誰知我肝腸。

拍拍鵲鵲繁嘈嘈。蜻蛉惡焉知我心。深不爲秋風虐來。
日雖大難。今日尙當樂珍羞。稍可陳笙竽。胡不作朋來。
有新詩。賓至無算爵。綽約華髮歡。慷慨黃金薄。商山有。
紫芝蓬萊有。傑閣白。憾非神仙不能常。矍鑠且復飲我。
醪。形骸庶有託。

朝思瀟湘渚。夕夢浮邱山。上有桃花林。下有蘆花灣。褰。
衣步窈窕。濯足臨潺湲。黃鳥不離巢。白魚來上竿。遙遙。
問故鄉。兀兀常苦顏。秋高天地闊。可望不可還。甯要狐。

貉裘弗甘。藜藿餐功名。等畫昨。日月如跳丸。常恐山中
人。嘲謔來無端。鴻雁東南飛。寄我款款言。
暮秋日苦短。志士心苦長。絡繹爲我鳴。鴻雁爲我翔。幽
花泣餘妍。落木出孤蒼。仰見霜霰白。俯歎川原黃。血氣
能幾何。憂愁不可量。嘯歌苦自得。歌竟還悽愴。

海秋詩集卷之八

益陽湯鵬海秋撰

五言古詩

古意八十首

併序

古意何爲而作也稽昔江文通爲雜體三十首
王弼州竊倣厥體廣爲擬古七十首大都取古
人事蹟可爲淒歎煩懣者而夷猶以寄意宛轉
以成音焉然詩不外乎性情而述情莫切于夫
婦之際善哉何大復之言曰三百篇首乎睢鳩

六義首乎風而漢魏作者義闕君臣朋友辭必
託諸夫婦以宣鬱而達情焉其旨遠矣夷攷文
通舛州之作鋪陳古往語傷直致其出於夫婦
而兼風人之義者不數數焉大復天才俊秀厥
見孔卓然明月一篇未足盡其義類且僅髣髴
唐初四子者之所爲以富麗相尙去古遠矣夫
江河之水不涉其源不知其流之遠也秦岱之
峯不躋其巔不知其下之卑也自漢魏已降古
意不絕如綫故其風靡波蕩所及始則變而爲

唐初四子之富麗繼乃振之以杜子美之沈著
韓昌黎之奇崛蘇東坡之奧博元遺山之雄健
雖皆傑然自成一家其爲詩之變體而未足以
承三百篇之後則均也余以偃蹇之姿挾沈酣
之致旣纏綿而不已又汎洋而自恣輒以暇日
博搜古昔夫婦之際幽愁憂思之情狀且其已
被于詞人才士歌詠之流傳者起自織女訖自
秦娘得古意八十首其命題畧倣文通弁州而
詩則淹有風人之義其間貞淫並錄不主故常

猶之乎風有關雎葛覃而衛之桑中蝦蟇鄭之
狡童溱洧齊之敝笱陳之株林聖人弗刪焉其
善者以感發人之善心其惡者以懲創人之逸
志是則區區私淑之義非徒雕章緝藻之爲而
已

織女望牽牛

天門詖蕩蕩天河憾無梁愉愉會合短悵悵離別長透
迤整瓊珮組織成雲裳亮當爲誰容其如天一方蟾蜍
不我引麒麟不我將裴裒東與西終日涕淋浪焉知桃

李花弗隕松柏霜盛顏有衰歇佳會無同翔念茲獨居
苦端爲雙棲妨儻非七夕歡誰結千載傷

配瑛思靈鳳

朝與靈鳳游暮與靈鳳游靈鳳有羽翼嫋嫋何脩脩吁
嗟運命乖愛至終成愁樂往塞回慙哀來沸奔流摧茲
百蟲長埋向長林邱長林秋草繁風號狐兔啾鳳兮精
氣在變化非常儔去當長裴哀來當再綢繆

皇英泣湘水

荒荒九疑暮嫋嫋三湘波芙蓉雖可采其奈愁心何萬

乘不知處鳴咽成滂沱念當嫗汨年生死誓匪他天寒
古龍吟秋老離鸞歌深恩感夙昔中道悲輶軻幽當訪
冕旒明當捐綺羅江心葬我骨江水高壑幾忠愛有天
知杳冥無人過聊注竹上淚不與代俱磨

后妃歌卷耳

擊鼓不知樂刈葛不知長勤勤采卷耳離離實周行天
遠山崔嵬君子在蒼茫昔曰睢鳩鳴今悲我馬黃登高
不可見涕竭心永傷疊疊執一德勉勉營四方王事有
馳驅焉知兒女腸姑酌觥與羣終朝以徜徉

莊姜刺謔浪

朝朝聞終風暮暮見綠衣綠衣誰與校終風不可隨觀
此霾與暄涕落橫慘悽身飾鏤鏤憤心嗟虺虺謔浪
未成歡巧倩靡所施悠悠非古處愁歎無已時日月不
我弔父母不我宜悲哉天上鸞不及水中鸞

女嬃悲婞直

秋風泣沅湘荃蘭匪時好汝何婞直爲禍福速響報緬
惟伯庸考令名施郊廟逮汝重修能芳澤羅衆妙騏驥
有窘步鷺鳥無懦貌譽譽名已聞冉冉老將弔雲霓匪

旗旆崑崙安可到。顧此黨人世。嫖節紛已訃。雞鶩謂汝
愚。契榆謂汝傲。無若縣亡身。執手各悲嘯。

共姜矢柏舟

淅淅秋風吹。漫漫妾心愁。妾心不可見。驗取河中舟。洪
濤何茫茫。柏舟乘風游。動與鯨鯢作。靜與蒲葦休。鯨鯢
固險巖。蒲葦實綢繆。執節貴終始。義重如山邱。食薺不
知甘。食荼甯見尤。哀哀告父母。無使兩髦羞。

邶婦感谷風

涇渭辨濁清。薺荼變甘苦。靡念故人勞。反受新人侮。新

人加兄弟輕軀稱歌舞。咳唾若桃花。豔豔飛紅雨。衰盛由勢然。悲歡共誰語。昔搖比翼扇。今隕孤棲羽。回思曠勉心。德音竟何補。匍匐本人情。洗滌非太古。習習谷風吹。葑菲有延佇。我生獨艱難。吞聲裂肺腑。

柳下惠妻哀誄

知鳥莫如木。知馬莫如車。哀哀柳夫子。炯炯兩意俱。婉婉執巾櫛。名德邇在余。從俗忌嶢嶢。救民獨踟蹰。蒙三黜。羞愷悌心。所於於虐父母邦。行路森崎嶇。小人多怨訕。君子恒坦舒。生不覺其德。歿當永其譽。淒涼一字。

謚炳耀百年。軀天高耳。屬地賤妾。無阿諛。

楚莊王妃苦諫

蕩蕩楚境橫。拳拳妾心苦。脫簪聊用諫。悲深涕如雨。弋獵勞君軀。邪佞匪吾與。亮知叔敖才。羞共虞邱語。先民進芻蕘。好言莫吐。晤慨想任姒。賢化自閨闈。譜妾無知與聞。但願霸功樹。進賢而退奸。匪今良自古。

衛女思流泉

悠悠淇水深。猗猗綠竹長。綠竹不可見。夢想踰蒼茫。疇昔在深閨。婚嫁不自詳。來因父母命。去無羽翼翔。羽翼

不厭豐節。義不厭強。魚網而鴻離。咄咄愁我腸。褰衣履薄冰。援琴集飛霜。安得騎黃鵠。飄然還故鄉。

伯姬投烈火

洪流尙可渡。烈火不可投。哀哀未亡人。死去無悔羞。孤鸞在天地。毛羽爲誰脩。不舉桃李春。但泣荃蘭秋。譴譴朱官災。紫囊歟不休。災官知我心。焦爛了我愁。時情詭趨避。或爲古人訖。允矣名義重。食息非所偷。

漆室女倚貞木

逸馬踐園葵。園葵苦不飽。憫憫女兒歌。憂患何年了。願

海秋詩集

卷八

六

砭魯國愚幽意無人曉懷忠反見疑貪生不如槁舉哀
林冥冥倚木心悄悄援琴來西風黃葉不可掃不惜未
嫁身去向重泉道雖知埋殁悲聊以畢懷抱

百里婦炊屨屨

貧賤結金石富貴舉蘭若世態良悠悠君子宜有超念
昔屨屨炊草屋風飄飄伏雌固可烹五穀誰見招黃緣
佩相印堂上吹笙簫豔豔同功綿寵彼嬌與嬌紅顏挾
青蠅誰謂我焦勞新人喜乖張故人畏訕謔朝名執賤
役聊以觀賢豪琴有大小絃郭有東西樵妾心委自然

君德未可撓。慎莫捐我爲憂疑。以終朝。

夫差小女延頸歌

誰謂北山羅可得。南山鳥誰謂相逢易。憂思坐枯槁。本
非百年儔。安得雙棲老。輾轉寢在牀。容光去如掃。憔悴
實可羞。不如泯滅好。悲哉墓前影。泯滅未云了。

越王夫人渡江哀

江上烏鳶號。江間波洋洋。裴裊欲西往。悲痛結我腸。人
生無恒居。飄如乘風航。流轉事偶然。黽勉心所將。姑蘇
實强大。喜怒安可量。君行爲社稷。妾行涕淋浪。昔揚翟

華。今。吹。衣。褐。涼。江。廣。多。愁。雲。日。暮。無。津。梁。遙。遙。憾。脩。
阻。去。去。空。回。翔。未。知。何。日。月。翩。然。返。舊。疆。

杞梁有義妻

海。不。可。使。息。山。不。可。使。走。誰。料。杞。城。崩。妾。心。亦。何。有。淒。
涼。十。日。哭。但。訴。神。與。后。上。無。父。母。慈。下。不。見。黃。口。中。隕。
瑟。與。琴。慘。矣。空。牀。守。空。牀。良。所。甘。薄。命。安。能。久。愁。多。併。
於。哭。涕。落。不。知。厚。日。暮。抗。聲。號。聊。以。抒。結。糾。哀。哀。爾。城。
崩。瑟。瑟。妾。顏。怛。天。地。雖。震。驚。不。補。雄。雌。偶。

秋胡失貞婦

瞻彼鵲與鵲。奔奔何疆。疆作嬪於君子。五日宮他鄉。山川阻且脩。顏面嗟微茫。道旁忽相逢。忘却雙鴛鴦。君自誇黃金。妾自採柔桑。柔桑供君衣。黃金斷妾腸。拳拳久離別。佻佻來輕狂。可憐松柏心。不爲君所臧。捐袂赴長河。河水清洋洋。勉矣人間婦。慎莫厭秋霜。

戴嬀痛大歸

燕燕爾頡頏。不知我心悲。燕飛有定巢。妾歸無令儀。攬袂獨裴裒。野曠風淒淒。荒草春已秋。白日東又西。垂老返舊邦。泣涕紛雨披。悠悠蒼天高。淑慎乃見擠。

越婦哀若何

朝采山中葛。暮作機上絲。葛生一何盛。絲成一何奇。台
台復罪罪。以充綵與絺。妾是庶人婦。報君未有期。孳孳
填海禽。楚楚向日葵。聊用織杼勞。甦此嘗膽悲。

韓憑妻殉青陵

鷓鴣故有匹。併欄故有陰。瞻彼青陵臺。顛倒傷我心。妾
知蓬壺淺。不願樓臺深。深以結永憂。淺以鬯微忱。殷勤
報宋王。河大雨淫淫。生爲清流重。死無濁流侵。

陶明女歌黃鵠

登高騁四望。東山復西山。淒淒一心人。心苦荆紅顏。激
爲黃鵠歌。志在風霜間。天寒雌哭雄。淚竭血斑斑。回念
昔時歡。盡成今日酸。七年方獨處。百年行已殫。踰踰誰
家子。意欲斬雙鸞。鴻雁鳴離離。媒妁扣我關。新雄今所
愛。故雄古所歎。黃金如山高。無令白水寒。

竇元妻羞白兔

問天天莫瞞。呼神神豈往。白兔東西顧。一心化爲兩。棄
故以就新。妾心何養養。奪我芙蓉裳。攀我翡翠幌。蛛網
改纏綿。鵲巢失憑仗。控訴將焉如。默默獨慨慷。古來深

閨中憾事多。惆恍了無繫。與援喟然發長想。

焦仲卿妻自誓

孔雀尚裴裒參差者。人心孔雀尚裴裒參差者。人心入
門阿母怒出門。府吏尋府吏一何賢。涕淚霑我襟。君如
磐石厚。妾如蒲葦深。勿謂鷦鷯愚。飛棲良酌斟。耿耿抱
明信。生死以爲箴。衆疑妾心搖。道塗非德音。

蘇伯玉妻長歎

北風何凜冽。吹妾機杼寒。手量秦川錦。心悼蜀道難。天
梯連石棧。猿狖號其間。猛虎競人肉。長蛇不可攀。念君

還無期。雪涕以長歎。馬蹄踏崔嵬。馬知碎與完。遠道失
魂夢。沈憂減容顏。雖云巾帶私。古意良不刊。鯁肥人所
羨。鵲饑人所憐。遥遥君子心。慘慘盤中言。

虞美人答項王

煙塵何茫茫。不辨楚與漢。赫怒經百戰。虜鋒屢摧陷。虎
豹步高岡。鵬鶚厲征翰。大王固英雄。成敗非所歎。敗豈
拔山羞。成比浮雲暫。時兮焉用利。長日都已晏。嗟兮焉
用逝。高足都已絆。橫覽稱制家。運命誰能算。妾在兵戈
久。生死內用斷。耿耿懷恩情。勞勞殉患難。沙埋垓下愁。

月掩帳中憾大王。但自爲女子何足惋。

李夫人謝武帝

濯濯昆靈池。苕苕柏梁臺。縹緲不知處。纏綿同一懷。妾
慙蒲柳搖。君抱金石諧。別長會合短。如何不裴哀。落葉
依重扇。明燈藹芳帷。要我以陟降。心苦翼欲飛。將卽而
忽離。當是乃更非。叮嚀生前誓。荒唐死後媒。悲思費日
月。魂魄何益哉。後官多妙麗。安用妾歸來。

戚夫人永巷哀

朝聞永巷春。暮聞永巷春。不知春者誰。悲聲在秋風。昔

攀椒蘭坐今與髡鉗從欲哭。淚有盡欲歌意無窮。水深
鯉潛淵枝長鶴歸松。天寒衣赭衣薄命難爲工。

陳皇后長門怨

春○花○不○言○愁○及○秋○悲○已○哽○念○初○稟○陰○儀○翬○綸○對○芳○景○方○
恃○金○屋○嬌○遽○坐○長○門○冷○長○門○何○悠○悠○流○月○搖○孤○影○蟲○咽○
玉○階○寒○螢○舉○羅○幌○靜○莓○苔○不○知○深○梧○桐○一○以○永○未○見○翠○
華○來○蛾○眉○長○自○整○恩○波○在○妾○心○感○激○淚○已○竝○妾○當○懲○嫉○
妒○君○勿○記○榛○梗○姁○娥○爲○我○言○青○天○有○惠○肯○

甄皇后塘上行

蒲○生○何○離○離○妾○心○何○婉○婉○衆○口○錄○黃○金○誰○能○奪○誠○悃○雙○
飛○固○纏○綿○獨○居○彌○繾○綣○繾○夢○想○見○光○儀○若○近○乃○更○遠○魚○肉○
弗○爲○亨○慙○薤○弗○爲○蹇○計○較○少○與○多○徒○令○君○子○覲○悲○風○爲○
我○號○不○知○心○所○遣○人○言○棄○捐○若○棄○捐○用○黽○勉○

趙河女操檝

河○水○洋○洋○來○下○有○鮑○與○鯨○鯨○鮑○非○天○性○君○子○多○令○名○父○
司○河○津○吏○妾○駕○風○濤○行○父○醉○妾○徬○徨○天○怒○不○可○櫻○死○畏○
刑○章○嚴○生○禱○君○德○馨○日○月○自○有○照○雷○電○自○有○平○檝○檝○理○
舟○檝○惻○惻○來○悲○情○不○見○清○冷○波○化○作○鳴○咽○聲○

淮南妾換馬

梟鸞一淆亂貴賤不可分
妾施紅粉粧婀娜如春雲
齊紈爲上襦蜀綺爲下裙
珊瑚間木難腰佩何繽紛
咄咄渥洼水產此騏驎
驕嘶赤墀下左右皆殷勤
馬貴不離獸妾賤不離人
蹀躞矜鞍絡嬋媛落風塵
古來窮窶姿無此薄命
因拳拳蓄忠懇默默長悲呻

麗玉寫箜篌

移○山○愚○可○哂○渡○河○狂○可○憐○
懣○懣○心○力○短○蹻○蹻○意○氣○顛○
河○伯○肆○披○猖○風○與○波○濤○連○
長○鯨○何○呀○呀○不○汝○以○周○旋○
在○險○

弗○可○平○既○往○誰○能○還○覆○舟○慙○伯○夷○懷○沙○慕○屈○原○君○作○波○
中○骨○妾○了○世○上○緣○命○也○可○奈○何○悽○惋○無○與○言○悲○風○激○篴○
篴○思○遠○聲○獨○酸○垂○誠○後○來○人○覬○壺○方○慎○旃○

綠珠歌懷儂

朝○爲○懷○儂○歌○暮○爲○懷○儂○歌○歌○好○殊○不○祥○慘○此○矛○與○戈○戈○
矛○非○人○情○妾○命○逢○百○罹○豈○不○惜○薶○粉○其○若○使○君○何○登○山○
畏○豺○虎○涉○海○愁○龍○龍○匹○夫○而○懷○盛○門○戶○生○風○波○使○君○且○
勿○歎○禍○去○福○則○那○殉○身○以○爲○報○庶○附○名○義○科○

班婕妤詠團扇

滔滔江漢水。萬里爲朝東。執中侍君子。恩情宜有終。團
團合歡扇。咄咄悲秋風。棄捐固尋常。愁來如奔洪。三星
猶在天。不照增城宮。髮爲秋風白。淚爲秋風紅。人生不
快意。搖落適已逢。君懷豈有他。金石心所崇。

蔡文姬製悲笳

白玉纏泥沙。誰能詰其由。嫋嫋十八拍。沸沸千萬愁。烟
塵蔽鄉土。失身走荒州。虺蛇刺我步。蜂蟻捎我頭。逼我
爲室家。怛咤森刀矛。仰視南飛雁。邊書安敢投。日暮悲
風來。天遠心悠悠。漢家有聲靈。女子甯漂流。噫氣浩長

空○涕○落○無○時○休○
踏○蹬○返○舊○邦○
踟○躇○嫁○陳○留○
死○當○埋○桑○梓○
生○已○包○悔○羞○
寫○此○絲○竹○情○
炯○炯○哀○千○秋○

卓文君絕長卿

誰○謂○雪○皚○皚○
誰○謂○月○皓○皓○
雲○雨○一○翻○覆○
不○我○以○終○好○
昔○爲○鳳○求○凰○
今○似○霜○中○草○
捫○心○徒○用○悲○
交○頸○苦○不○保○
滿○水○有○東○西○
女○子○執○懷○抱○
長○爲○白○頭○吟○
鬱○鬱○復○何○道○

王昭君憾延壽

亭○亭○千○尺○桐○
其○下○無○攀○援○
賤○妾○升○曲○房○
儀○容○得○自○然○
恃○此○蛾○眉○嬌○
覬○彼○龍○顏○憐○
安○能○賂○畫○工○
忠○懇○反○成○愆○
妾○心○

多古意。畫工少真詮。刻鏤成嫫母。迷離失嬋媛。飄飄紅粉粧。蹭蹬黃沙邊。山高水泱泱。道里萬有千。不憾匈奴醜。但憾延壽奸。顛白以爲黑。憂患無窮年。

烏孫公主嫁昆莫

貞木爾勿華。白石爾勿磷。未嫁猶從容。旣嫁多苦辛。天遠沙茫茫。驅車適烏孫。懼爲君所訖。黽勉愼新婚。窈窕穹廬中。斟酌璫與裙。懷土義亦非。出語聲復吞。黃鵠能萬里。朝燕暮已秦。妾雖有羽翼。奈此荒荒雲。憂來如邊風。凜冽那可論。

明貞夫人閉廣川

奔流苦不息。讒口焉能休。咄咄陽城妬。哀哀廣川愁。衾
裯妾已非。箴箠子何周。不見蒼蒼天。誰問女與牛。紅顏
如漂花。昨春今遂秋。時哉不再來。第鬱生百憂。何以寫
我心。惟有商聲謳。天神尙感通。聞者竚不羞。

華容夫人顧雨渠

蹶蹶歸空城。顛顛顧雨渠。生存事已非。死別心焉如。妾
雖閨閣姿。了見禍福樞。酒酣月茫茫。淚落不成珠。君歌
妾起舞。悲風振羅裾。太息桃李華。溝瀆胡爲乎。

敬瑜妻感連理

黃鵠抱幽獨。天神實鑒只。情移生悔尤。義正刪綺靡。瞻
彼墓前柏。蒼鬱成連理。擎根色蒼蒼。攀枝光嶷嶷。嘉祥
理有徵。憂患心無已。父兮母兮仁。慎莫多彼此。舅兮姑
兮賢。慎莫輕感。一身嫁二庭。千秋以爲鄙。長唸柏舟詩。
可以資礪砥。

樂昌主悲破鏡

女蘿攀長松。枝枝欲上天。妾本公官姿。辜負舍人賢。國
破悲銅駝。塵飛汚彩鸞。朝舉徐家帳。暮拭楊家絃。地崇

遭蹂躪情極生。迹適青衫少。寄託紅粉多。哀憐憶初分。
半照爾我各。慎旃悄悄遣。蒼頭勤勤報。新篇裊裊今。昔。
問心苦涕泣。翩破鏡可再合。故夫可重還。惜哉流離身。
羞悔不可言。

緹縈上書

生男且勿誇。生女且勿詬。父爲太倉令。女爲閨中秀。嬖。
嬖復娉娉。輕軀曳長袖。公庭迫迫呼。父罪坐拘愁。四女。
但蒼黃。一女獨匡救。元霧測鏡清。疾風挺松茂。遙遙長。
安城。惻惻訴悲疚。臣雖女子身。實爲臣父後。牛有舐犢。

慈烏有反哺厚愁心裂飛霜熱淚挾奔溜天高聽我言
轉移在邂逅

木蘭從軍

汨汨黃河水冷冷黑山風仡仡雄兔走嫋嫋雌兔從長
途送萬里天遠沙濛濛人馬同渴飢焉辨西與東下替
阿爺征上奏可汗功女子雖區區忠孝理豈蒙鐵衣畏
寒光照見涕淚紅死去命如蟻生還首已蓬阿弟供我
餐阿姊拭我容嗟爾平居人未知我心忡

邯鄲才人嫁廝卒

生○莫○憶○邯○鄲○死○莫○憶○邯○鄲○中○夜○一○裘○裒○淚○落○如○波○瀾○峨○
峨○丹○闕○中○金○柱○玉○闌○干○朝○朝○學○歌○舞○暮○暮○承○君○歡○人○事○
非○意○料○譴○謫○難○爲○顏○衆○女○妬○蛾○眉○焉○知○我○悲○酸○漂○零○嫁○
厮○卒○日○暮○衣○裳○單○風○掩○蓬○燈○暗○霜○摧○雲○鬢○殘○不○憾○妾○命○
薄○但○禱○君○軀○安○雖○睽○左○與○右○明○鏡○瑩○心○肝○

銅雀宮人望墓田

漠漠西陵田迢迢銅雀臺雄劍亦已歇總帳何爲哉妾
本邯鄲女貌與威施偕一笑蘭香聞再笑桃花開君王
愛歌舞隊隊琵琶來生前榮豈特死後哀難裁悲風切

我牀殘月照我懷。但見松與檟。霜露白皚皚。漳浦無西流。翠華豈旋歸。心羨飛蓬好。空中自裴裒。妾命不如蓬。幽繫成莓苔。誰能起九泉。一訴望陵非。

徐淑答秦嘉

皇靈沛雨露。枯花難爲春。迢迢上郡掾。念妾屯塞身。鍼藥豈不進。寢疾鮮所伸。憾無雙飛翼。騰此飄飄雲。元霧蔽山陸。悲風激江津。一意結千愁。輾轉在牀茵。亮執百年義。短折非所云。君子重達觀。哂此兒女仁。勉矣報國軀。眠食宜自珍。慎勿憶妾爲憶妾。多苦辛。

王宋報劉勲

裘衣採薜蘿上山莫下山萬一逢故夫慊慊愁心顏
窮
邈山陽女與子爲雙鸞庭前種連理階下摘合歡妾在
塵塼中風吹衣裳單悲來咽長梗十日九不餐白日有
回照明月有重圓踟躕獨遠望棄妾難重言

太常妻送獄

鳳凰不並翼誰珍百年懷可憐太常婦但見太常齋
潔
志通神明高義懸崔嵬君自營八閩妾自憶雙飛疲
勤
坐干禁桎梏森以排日月何高高不照我心哀桎梏豈

所憎琴瑟久已非。女子如車輪。好醜從人爲。

秦女休報仇

鴈鷗擊羣怪。毛血何浪浪。妾本秦氏女。窮窳慕慷慨。右手據長矛。左手持白楊。東南有仇家。憤憤填我腸。輕言殺人易。曳桎何悽愴。關吏且勿呵。丞卿且勿驚。末俗競斌媚。高義委秕糠。豫讓及荆軻。俠骨久淪亡。誰謂我無能。女兒當自強。

阮瑀婦早寡

瑟瑟秋風來。淒淒木葉落。飄飄鬢髮稀。黯黯衾裯薄。候

雁翔河洲歸燕巢簾幕妾心獨徬徨良人委冥莫長夜
夢悠悠真幻兩無著欲飛憾羽短多愁苦心弱秋亦不
懽樂春亦不懂樂相從九泉臺了此百年約

陰升姊晚嫁

蜘蛛爾知織蟋蟀爾知鳴妾本名家女麗質號傾城初
入魏王家綺樓雕綵楹深鎖桃李愁那諳枕席情魏王
忽晏駕妾淚泣以橫淒淒放出宮琴瑟未分明垂問蓬
蒿婦其樂不可名夕作同衾眠旦作攜手行自慙窮窶
姿漸與憔悴并秋心苦銷歇春心喜敷榮兩心集萬憾

太息不成聲。

王肅妻爲尼

覆水可再收。慎莫斷絕爲碎壁。可再完。慎莫擲爲埃。昔
侍華堂宴。今與和林偕。太息妾爲尼。分遠心尙偕。君看
機上絲。嫋嫋何纏紆。丈夫執一德。女子無是非。

華山神女合葬

萑萑華山畿。藹藹南徐士。愉愉爲儂生。慘慘爲儂死。慨
彼世上人。絲蘿罕終始。朝結束鄰婦。暮挑西鄰子。感君
執高義。嗚咽不可止。牛馬爲啼號。天地變青紫。亮此長

逝身再逢難。準擬支離迫。憂煎不如其同。已心心祝墓。
木。變化成連理。上枝巢鳳凰。下枝援葛藟。

青溪小姑娘獨居

生不見所歡。死不見所歡。裴裴青溪上。涕落心纏綿。獨
居本無郎。聽歌方悄然。君歌磐石桑。妾歌繁霜寒。繁霜
傷人心。摧落桃花顏。可悲復可怨。寫此篴篥彈。邂逅薦
君席。月照雙團圓。嘉爾銀盃珍。愧我金釵慳。歡會不轉
瞬。離別如奔湍。去去登橋梁。漫漫非人間。

張麗英題石鼓

統扇不受塵竹箭不受霜悲彼下土人焉知我心傷避
兵金精側散髮石鼓旁紫雲鬱特起颯身凌穹蒼飄飄
仙之人導我以翱翔琳宮爲我家姮娥爲我行天上歡
娛多人間憂患長超哉窈窕姿不嫁長沙王

劉妙容撫玉琴

搖搖渚中舟皎皎亭上月斗酒聊酌斟寸心多曲折君
從東宮來休沐恥干謁妾在秋風中獨處衾如鐵邂逅
彈箏篴參差淚成血君歌清有餘妾歌悲不歇君歌與
妾歌宛轉向誰說欲爲星與漢光景有圓滅慘矣相逢

難相逢重離別

楊茗華勸沙門僧

造物解安排。凡民各儕偶。結愛斯忘憂。耽空乃害有。咄
咄沙門僧。逃禪混然否。木魚雖警策。文鸞實孤守。自古
有怨嘆。義命吁可受。未聞袈裟薄。反奪琴瑟厚。牀餘合
歡被。室缺掃愁帚。誰能報空王。慈悲及蓬首。

崔清河憾鄭櫻桃

幽居想人事。反覆無不有。常兮鳳從雌。變兮雉求牡。咄
咄鄭櫻桃。娥娥侍左右。帳盤琥珀勻。牀貼珊瑚厚。後庭

三萬人愁鎖雕房柳君王不得見紅顏化黃耆妾本清
河女拳拳執箕帚甯嫌彼寵專但憾吾生苟髮雕鸞鏡
前心落鶯簧後淫昏挾譖愬禍患生臂肘小人意無極
君子義不朽願垂炯炯心餘光照井臼

蘇若蘭璇璣圖

會合厭譖詠別離厭淒涼譖詠刺我骨淒涼迴我腸我
我拜將軍迢迢向襄陽弗爲攜手皆悔憾安可當山高
穴有虎水深橋無梁欲往怯險巖心苦涕泗滂緘此迴
文詞五綵相披揚縱橫八百言一字千感傷伊古有謨

訓今人尙眩忘妄非仁與智聊以獻珪璋憐才貴用真
執義貴用詳新心與故心君子勤校量

馮淑妃琵琶弦

滄桑一變換天地何悲哀山崩與水咽紛上妾弦來昔
爲官中花飛傍九層臺今爲牆上蒿飄泊來君懷
翠雲裘朝進紫霞杯豈不感恩義中心有所違繁音歎
江颺清響飛梁埃蟠紆寫幽獨悄切重低仰雖知命運
然割念良難哉得今而忘昔亮爲君子非

翔風主羣少

盈盈獨秀蘭冉冉孤生竹結愛難始終慘矣寒蛩褥人
事有波瀾衰盛如轉躅情因嫉妬乖步爲崎嶇曲昔藉
朱門榮今銜羣少辱莠言非我能好言非彼欲攬衣起
衷衷悲風入幽獨蛾眉有悔羞憔悴苦不速

柳枝向誰家

紫燕競識主黃鳥亦逢人歷歷深淺事炯炯去來因妾
在大夫家薦枕情所親朝升洛川霞暮化陽臺雲君雖
鬢髮彫妾貴笙竽新酒酣歌豔歌可以怡心神末路得
遣斥沈思更悲辛霜摧白玉佩塵污紅綸巾轉蓬隨長

風馬問乾與坤但愴今日遇彌懷昔時恩

上陽人多白髮

少亦閉上陽老亦閉上陽雖賜尚書號白髮如秋霜百
轉鶯在林雙棲燕在梁妾生獨何爲寥寥守空牀憶昔
妖且閑體薰百和香本希昭陽景反斷長門腸望恩恩
苦短送愁愁苦長人生如奔電遲暮焉所望存雖斷消
息歿猶戀景光娟娟魂與魄化爲雙鳳凰

侯夫人閉迷樓

春風豈不仁吹落春樹枝妾在迷樓中徹惘欲何之容

華若桃李攬鏡行復疑多夢不成歡強歌乃更淒芳草
思玉轂羞問見無期睠彼黃泉深了此紅顏悲嬈嬈棟
上帛淒淒臂上詩詩中有深意甯論知不知

杜秋娘還故鄉

嗚咽京江水中孤鳴凰問凰從何來深深說未央椒
壁挂金鏡照見珊瑚牀君王重顧盼冠珮生輝光逶迤
授傳姆捧持得名王時扶綠玉杖侍晏瑤池旁烏鵲人
間事反覆不可量冥冥哭白日南還故鄉道旁有桐
柏枝葉交相當棄置不復顧淚落心悲傷今年飢無粟

明年寒無裳鄰人借機杼織素不成章

士人妻吹簫集

暖暖天上雲慘慘人間蓬雲興掩明月蓬飛逐東風妾
本土流妻配入掖庭中灑掃日不暇膏沐誰爲容清秋
吹簫築曲遠心無終蒼茫怨同鵲逍遙羨冥鴻天不弔
我冤神不恤我窮艱難畏人知願學瞽與聾有絃調忌
高有涕痕忌紅心心念宿昔魂夢在虛空

潯陽婦抱琵琶

悄悄潯陽月瑟瑟蘆花秋盡非江頭人今紉江間愁生

長。蝦。蟄。陵。歌。舞。非。常。儔。夜。披。紅。羅。襦。深。深。拜。女。牛。淪。落。
媒。商。人。已。矣。命。不。猶。商。人。輕。別。離。買。茶。去。悠。悠。春。懸。柳。
蛛。網。秋。槁。鴛。鴦。凋。吞。聲。憾。流。水。曾。不。送。歸。舟。人。生。竟。爲。
樂。老。大。轉。多。憂。旣。往。隙。如。駒。方。來。梁。有。鶯。薄。命。生。離。離。
獨。居。結。綢。繆。江。空。彈。琵琶。江。月。爲。我。留。嗟。爾。江。月。明。未。
知。我。所。求。

長干妾遲估客

鴻。鵠。千。里。游。十。里。一。裘。裊。區。區。長。干。人。一。去。不。復。歸。今。
年。巴。陵。道。明。年。灩。澦。堆。天。風。吹。波。濤。大。舫。高。崔。嵬。錢。帛。

重山邱性命輕塵埃豔豔閨中妾綿綿心上哀月落鴟
鷄號草深蝴蝶飛粒有並根蒸絹有雙絲裁及時多樂
事不見行人來君貪黃金富妾畏紅顏衰黃金有禍福
紅顏無是非願言崇令德好貨何爲哉

楊貴妃至馬嵬驛

駢駢漁陽兵碌碌馬嵬驛搖搖翠華愁慘慘玉顏赤妾
本楊家女今爲六軍死不惜妾泥沙但願君恩澤人生
亮何求女子亮何益一笑百媚生謠諑紛已積光彩施
門戶寵愛隨過隙月黯溫泉流風破霓裳拍於虜長生

殿可嗔。半女夕生當。感顧盼死當。憶疇昔。

關盼盼居燕子樓

黯黯牀頭月。罪罪簾額霜。中有纏綿人。道旁那得詳。疇昔張尙書。愛妾如蘭香。羅衫與鈿帶。顛倒繡鴛鴦。歌舞歡過隙。零落憂迷方。淒淒燕子樓。月黑天昏黃。顧瞻尙書墓。秋風吹白楊。從死玷清範。偷生剩回腸。紅顏感恩義。清淚盈衣裳。寄謝白舍人。無增我怛傷。

郭紹蘭燕足書

鳳莫棲枳棘。魴莫墮泥潦。嫁女與商人。愁思未云了。商

人嗜財賄去去湖湘道心知競錙銖義弗敦窮窶黃犬
去應難白雁飛何杳長年斷消息盛顏迫衰老雙雙燕
子飛故故叩懷抱緘書繫其足黽勉同介紹物微氣不
隔語短情可曉感此呢喃音訴我憂如擣

張睽妻龜形詩

皇天限南北邊防費用詳黃沙莽飄飄不辨路短長夫
婿充戍卒睽離十秋強波無瀚海恬雪有陰山涼雖織
機中錦難寄塞上霜牀月墮夜眠鏡塵稿晨粧繡此龜
形詩哀鳴撼天閭日月照幽深乾坤納汪洋妾亦無所

求妾亦無所妨。但願雄雌鳥雙飛。守故鄉。欸欸室家言。豈謂非典常。

薛濤賦十離

蠶蠶梧桐井豔豔琵琶門。掃眉復吟詩。妾樂日已新。忽銜司空命。來侍元使君。使君信翩翩。馳馬橫等倫。渾髡顏有醜。擲簡句惟珍。謂同駢穗蘭。可合難可分。於摩天降材。兩美苦不因。昔悅膠投漆。今悲猶異薰。子孤固有數。輕薄匪所云。聊製十離篇。庶令千載聞。

玉簫重一別

寒暑相遞。嬪振古無睽。愆天道一以準。人事甯或遷。慘
矣。韋郎別悠悠。經七年。沉思有髣髴。佳會無團圓。朝望
韋郎來。江水鳴濺濺。暮望韋郎來。江樹啼孤猿。男兒喜
乖張。女子執靜專。焚香鸚鵡洲。百禱一不然。叮嚀著玉
環。重結來生緣。來生或支離。此憾何由捐。

函關婦題詩

寸心如番風悲歎。不可曉。昔住若耶溪。今阨函關道。良
人輕出鄉。西來氣矜矯。白馬橫鞍韉。黃金賭梨棗。春花
方旖旎。秋木歎枯槁。生爲萬夫雄。死營一棺小。人生自

有命羸紕何足討驅馳悔前非踉蹌迫今情銘旌雨霏
霏旅店霜皓皓計程淚潺湲拭壁字窮窈哀哉二九子
千載一縹緲

太原妓翦髻

飄飄東來風不知桃李苦峨峨歐陽生三物浪相許念
爲太原游纖腰稱歌舞秦晉忽迢遙參商致離離疑多
動成竇怨極不知語女子雖飄花天性尙古處亮懷非
蟲惑薄命久延佇疾疹信有端奮飛滅無羽翦髻寄我
心涕泣紛如雨

絳仙遞紅箋

朝。望。黃。門。來。暮。望。黃。門。來。欲。飛。無。鴻。鵠。欲。渡。鯨。波。猜。雙。
果。捧。君。賜。紅。箋。因。可。裁。君。賜。重。如。山。妾。懷。殷。似。雷。青。春。
苦。易。歇。桃。李。苦。易。摧。同。心。而。異。地。憂。憂。良。不。開。不。信。腸。
中。斷。看。取。箋。上。哀。

秦娘抱新聲

嘔。啞。呼。可。聽。仇。惟。吁。可。觀。美。色。擅。新。聲。惻。惻。反。成。患。妾。
本。閨。門。女。工。此。來。絃。彈。一。彈。尙。書。樂。再。彈。列。史。歡。百。年。
庶。有。託。繁。華。忽。已。殫。清。秋。日。夜。哭。涕。淚。成。奔。滿。江。水。添。

我愁江風吹我寒。白雁與青猿。嘈嘈爲我酸。出門當語誰。入門私自歎。勿謂知音稀已矣。妾命慳。

古意餘四首

浣紗女

鮮鮮越女顏。漉漉溪水波。豈不貧且賤。浣紗心匪他。溪居有荷芰。山居有薜蘿。慎莫嫁姑蘇。但唱陌上歌。

餽麋妾

出門勿爲非。入門勿爲泣。天寒共餽麋。旣飽罕羞澁。峨嵋梅。崇粲粲。綺紉集富貴。生禍胎。無使妾嗚咽。

如意娘

兩地多支離。兩心貴酌斟。看取石榴裙。涕痕一何深。撼撼霜吹帷。淒淒風掩衾。妾懷夫如何。徒抱石與金。

長命女

戚戚故土心。娟娟美人夢。安得呼白雲。飄然爲我送。短飛難憑目。極愁已貢河。廣韋可杭悲哉。名義重。